



太師劉文成公集卷之十四

後學麗水何鏗校

七言古詩

為祝彥中題山水圖

高軒玲瓏不受暑半幅輕綃宿烟雨白屋素壁生空明似聞
水聲繞庭宇松髯拂天藤蔓垂枯根瘦石相因依寒濤不驚
虎兕卧嵐翠欵與蛟虬飛空江悠悠一漁艇渚白沙明萬魚
靜武陵桃花何處尋落日微風片帆影

徐資深華山圖

華嶽插天七千丈丹崖翠壁開仙掌壁間擎出黃河流大禹

以之分九州河流衮衮赴溟漲華岳拔出天河上雲宮霧窟
疑本無石室金臺儼相向玉泉高通玉井津中有蓮實如車
輪世人肉食未羽化可望不得聊相親高堂晚晴圖畫展眼
明一見心自遠世間塵土今紛紛吾當拂衣卧山雲

末康胡元鼎白雲樓

少年辭家往京國蓬根一斷無消息有時長想白雲飛江海
茫茫淚霑臆歸來拜母悲且喜悔作他鄉遠遊子却起高樓
對白雲綵服翩翩足甘旨昔時望雲煎百慮今日看雲美無
度却憶天涯望雲日平生心事從此畢

贈醫士黃元之

先生軒轅之子孫手提萬物生死根神功微妙不可狀能使
元氣回遊魂篋中水芽抽粟粒丹光照耀三彭泣銜珠不受
脩蛇報采藥常令白猿拾結廬幾歲吳山阿赤松玄俗時相
過更向蓬萊下神水併與人世清煩疴

中峰末先和尚醉墨圖

老先行脚遍天下五湖七澤胷中吞淋漓醉墨落人世恍惚
目擊瀟湘存蒼梧飛龍去不還洞庭赤沙流水渾九疑竹枝
餘淚痕澧蘭沅芷化蕭艾古木雨炫寒烟昏雲帆縹緲向何
處波浪瀕洞驕魚鼃我生胡為羈旅間感時覩物生愁怨還
君此畫歌一曲悲風慘淡來崑崙

夜聽張道士彈琴

道士字君度

白澗含光月照席梅花入簷珠的皜
蕊宮道士彈七弦明星在樹霜滿天
鏘如暗泉發幽竇悄若空山叫哀
沓霧雨寒吹松柏響波濤怒激蛟龍
闐神奔鬼恠入杳冥鸞孤鶴寡風冷
冷湘娥宵攀竹枝泣紫鳳曉啄梧桐
鳴悽悽欲斷還復續啼鴛鴦一聲春
草綠蒼然清商行素秋落葉灑地蟲
啾啾擁衾聽之消百慮夢逐行雲自
來去九疑連天洞庭遠海闊煙深不
知處蕊宮道士聽我語世無子期誰
識女妾間濮上方施行白雪陽春棄
如土

辛卯仲冬雨中作二首

江城積陰愁玄冬千家萬家雲水中
烏啼黃昏鴈叫夜鼓角慘澹愁悲風
青燈無光掩關坐飢鼠相啣啼過我
讀罷殘書有所思凍雨霏霏淚交墮

歲云暮矣風蕭蕭木葉脫落惟空條
雲濃雨細白日短慘慘不辨昏與朝
雨中行人足斛觥去與公家製戎服
中原豺虎正橫戈天寒風急柰爾何

悲杭城

觀音渡頭天狗落北關門外塵沙惡
健兒披髮走如風女哭男啼撼城郭
憶昔江南十五州錢塘富庶稱第一
高門畫戟擁雄藩豔舞清歌樂終日
割臙進酒皆俊郎呵叱閑人氣驕

逸一朝奔迸各西東
玉竿金杯散蓬華
清都太微天聽高
馬略龍韜緘石室
長夜風吹血腥入
吳山浙河慘蕭瑟
城上陣雲凝不飛
獨客無聲淚交溢

夏夜台州城中作

江上火雲蒸熱風
欲雨不雨天曹曹
良田半作龜兆拆
杭稻日夕成蒿蓬
去年海賊殺元帥
黎民星散劫火紅
耕牛剥皮作戟具
鋤犁化盡刀劍鋒
農夫有田不得種
白日慘淡衡茅空
將軍虎毛深玉帳
野哭不入轅門中
健兒鬪死烏自食
何人幕下矜奇功
今年大軍蕩淮甸
分命上宰麾元戎
舞干再見有苗格
山川鬼神當効忠
胡為旱魃還肆虐
坐令毒疹傷

和冲傳聞逆黨尚攻剽
所過丘壠皆成童
閭司恐畏破和議
斥堠悉罷雲邊烽
殺降共說有大禁
無人更敢彎弧弓
山中悲啼海中咲
蜃氣統日生長虹
古時東海辟孝婦
草木枯瘁連三冬
六月降霜良有以
天公未必長瘖聾
只今幅員廣無外
棟至日出西太蒙
一民一物吾肺腑
仁者自是哀鰥恫
養臬殪鳳天所厭
誰能抗疏回宸衷
夜涼木末掛河漢
海嶠月出光玲瓏
仰視皇天轉北斗
嗚呼愁歎何時終

老病歎

我身衰朽百病加
年未六十眼已花
筋牽肉顫骨髓竭
膚腠剝錯瘡與癩
人皆愛我饋我藥
暫止信宿還萌芽
肺肝上氣

若潮湧舊劑再歎猶淋沙有眼不視非我目有齒不齧非我
牙三黃苦心徒自瘵五毒浣胃空矛戈因思造物生我日脩
短已定無舛差琚瓊不能使之少盧秦焉能使之加攻犀豎
朽各有分鳧悲鶴悼何繆耶不如閉戶謝客去有酒且飲辭
誼譁

東坡題松下道士携琴圖

道士抱琴松下行松風入耳清涼生石梁苔滑不可上潭水
泠泠學琴響琴有意兮水無心水中有龍能聽琴琴聲淒斷
水流咽月滿空山落松雪

錢王箭頭篇

鷓夷遺魂拗餘怒欲取吳山入江去雷霆劈地水群飛海門
扶胥沒氛霧英雄一怒天可回肯使赤子隨鮫鮓指揮五丁
發神弩鬼物辟易腥風開三百年来人事改濤落沙平箭空
在石梁飲羽未足誇蜀國三犀漫欺給近聞黃河水亂流青
徐一半悲魚頭安得壯士斡地軸為拯斯民塗炭憂

次韻和石末公七月十五夜月蝕詩

招搖指坤月望日大月如盤海中出不知妖怪從何來倘恍
初驚天眼映兒童走報開戶看城角唧嗚聲未卒蟾逃兔遁
漠無蹤璧隕珠沉一何疾丈夫愕視隘街巷婦女喧呼動圭
箠輝輝稍辨河漢沫耿耿漸明荒冢漆百官袍笏群吏趨伐

敲撞鉦仍設鞞赤水難令罔象求澗池莫効相如叱升簷變
閣到空曠盍掩氛侵殊靡畢廣寒桂樹劫火燼借問嫦娥有
何術今年下土困炎沴草木焦枯野蕭瑟萍號喝死龍甲炊
赤燂當衢掛萍實光芒照灼玄武爛誰復瑣瑣憐蚌鵲今夜
慝作最差異天道幽微孰能詰太陰配日宰臣象無乃常刑
多縱軼近來營壘徧宇內羽林慘澹空鐵鎖荒郊廢市何所
見夔罔蛟蛇兼蚤蠹此皆在地不在天未若蝦蟇狡而猶黃
文結鄰上訴帝賜以小戎驂牡隲剖墓洗魄還月光再起咎
繇明典秩返蟾歸兔復纖阿萬古游塵避清蹕

再用前韻

虞淵豁訝納歸日金樞吐月相承出初離積水看若飛稍映
微雲昉猶眈是時暮收聲視政莎雞振羽鳴蜩卒姮娥靚粧
覲玉帝坎軻中途嬰禍疾旅人苦熱愛清涼快覩光輝滂蓬
華願開寶鑑照覆盆豈擬瘴塵昏點漆隋珠慙固重革櫃和
璧嗟蒙韎韋鞞吳罌樹折不自謀纖阿馬弱無人叱三足蟾
驚入坎窪八竅兔走罹且畢圍灰破暈謾傳方屑玉補凹空
著術雷公駭懼罷靈鼓湘女幽憂舍鳴瑟故老謂是蝦蟇精
潛伏姦妖營口實羲和尸位罔聞知可以人而不如鷓往歲
威弧弛其殼蛇豕陸梁誰復詰高牙大纛擁藩垣腸斷吞聲
受陵軼江淮洶湧湖浙沸骸骨成山連鬼鎖萬姓喁喁釜裏

魚百官蠢蠢禪中蟲黃茅白葦棄賢良赤紱玄裳寵猗猗吳
穹示變盍警畏惟德動天天有隲况今旱魃又為厲東作西
成不平秩安得緘辭伏閭闔聖主如聞應駐蹕

聽蛙

繞舍荒池底且鯀蟄蛙齊候鳴雷社已知地氣上如炊更覺
石泉流若瀉舉頭玉燭煥陽明竭足汗泥悲土苴半夜條風
入綺牕清晨細雨霏簷瓦梁間紫燕舞參差枝上黃鸝語悲
姹播形肖貌均有生感氣傷情孰瘖瘖初聆衙衙雜更鼓漸
聽嘈嘈成侈多猶持堅白較同異似坐狙立談稷下村童叫
噪聾學究悍婦勃磔喧姊姐西域胡僧彈般若齊東老生矜

炙輟逸帆觸岸靡薰葭醉客罵筵投盞竿叨咬誰辨騾兒哇
彌若乍開竇叟爛怒牙嚼齧悸羅吞寤言詰屈驚宜樹徒夸
楚使能言齊未讓秦巫上詛芊批離傑休紛覩綏帝樂虛張
洞庭野虞獲奚暇調笙磬周瞽曷由分鄭雅旅人懷憂實無
寐遭此彊聒胡為者得非作姦謀蝕月無奈聚訟騰謹設昔
聞周公立典教蚩氏專司鞠灰灑常疑聖人茂育物獨向微
蟲少寬假乃今知其非瑣屑歆問官司乞餘地鳳皇鸞鷲聲
苦希白雪陽春和偏寡蚊蠅蚤蟲多於沙鑽啞喑鳴紛醜棍
蝦蟇幸不含毒螫何苦呶號爭肥呵烏為逐響蛇聽音寧顧
入腹生癢痕賦詩却咲柳柳州忍使腥臊辱瓠

贈道士蔣玉壺長歌

先生清如玉壺冰神閑志一精粹疑玄黃健順六子承和氣
坎北麓穢澄冲虛澹澹廓以弘冥茫沕穆怙無能火鳥入海
陰液升鶉蛇受約不敢騰束縛龍虎如寒蠅虛無黃堂帝所
憑四方上下齊鉤繩北幽羅酆對朱陵女夷鼓歌王母應瓊
宮夜半張華燈金葩碧葉紅氍毹素霞鬱滃玄雲烝沆瀣厭
滄淪泉與壑牛織女來相仍用之不減亦不增地官錫福天
官徵老蚌迸殼驪珠升太一象輿臻八鵬翼以六蜺前五騰
風輪蕭蕭生夏凌參旗九旂茂緄縵二八青蛾美目矚翠粧
交翟翎璫屬車九九如連繩最後雷輶子所乘流蘇勃窣

垂鏤膺端爛駸馬駟駘躡霞踏霧碎綺綾天津閣道輶輶
轅歸來瑤臺十二層月光照耀玻璃棚下視瀛海波濤砒龍
宮蜃窟寒兢兢歸塘暢谷清可憑鱗甲鏡瑩鱗與蛟相妃鼓
瑟水絲絙撥金曼玉萬穴灑琅玕風吹簌峻嶒琉璃雲母龜
貝朋琳房壁甃瑤階陞素鸞振迅霜女扔璇題瑣牕蕭蕭蘭
洞晃矚朗眩遙瞪瘁肌砭髓魂歆宛忽然浮空墮杳霄颺馳
電燿羽脫肱天衢阻遐世網罟昏昏日月敲炎蒸句曲之山
峯岫礧楓杉檜栢楮桂朽蘅蘭杜若蕙萑葑綠罔披頓幕磧
騰大地浪井瀑鍊瀨萍瀕繡繪芙蓉凌鼉虬蚴蚪千年藤纏
絡薜荔縣鬚鬚敷芳發馥菲芬芳獬獬獬獬鵞蒼鷹攀援歛

春巖華崩寒蟄蟪蛄蟬犯蟻嵐餐露飲喧岌岷先生皮冠衣
絳繒桃枝七尺穿虺騰三茅真君共嗟稱星根絕頂時同登
黃斑黑虎陟降凭石罅并紫溢若澠神芝吐燄如貧餐食時
動機保不薨驅斥珉瓊除痕瘕眸光照座生紫稜舉觴引滿
鯨鯨漿鮮后見之喜莫勝揚眉抵掌開蒙顛人生嘉會安得
恒靖恭正直天所初作詩持贈匪妄詭

古歌

三首

紅蕖高花高以妍清晨方開夕就薦美人迢迢隔山水可望
不見心茫然花開花落日復夜惟覺新年非故年人生百歲
花一度何不作樂令人憐

舊花欲落新花好新人少年舊人老佳人見此心相憐舉觴
勸我學神仙我聞神仙亦有死但我與子不見耳祇言老彭
壽最多八百歲後還如何

雙燕雙飛入我堂銜泥養雛何太忙養得雛成却飛去雙燕
雙飛復如故東園桃李春萋萋日華烘露生紫霓一朝實熟
付人採葉枯枝折空成蹊

道士周玄初鶴林行

鶴林道士軒轅徒以颺為輪雷為輿開山養鶴作騏驥上下
二儀周六虛雛成洗髓扶桑窟縞練羽毛鏐鐵骨聲飄碧落
玉清揚影拂太微雲滅沒未夜月明風滿林竹栢戛擊笙簫

音云是旌陽許縣令躡躑佩劍來相尋靡萍西枝搖倒景借
去林間兩丹頂伐蛟北海莫玄冥斬蜃南訛封浪井上窮列
缺旁九圍却過度朔山中歸歸來贈我桃樹枝朱衣赤郭手
所持令我鞭龍執虜虎極縛臊魃如奴虜授我堯時松子訣
轉晴出電噓成雨鍾山秀色連冶城百花繞屋風泠泠焚香
獨坐誦真誥墜露點滴流華星土伯駿奔從號令鶴鳴聞天
空谷應寥陽寶殿歌步虛河漢當窓回斗柄嗟子衰朽雜病
攻盈顛素髮吹秋蓬空餘硬骨如瘦鶴因子致意浮丘公

送李叔允脩撰致仕歸釣州

憶昔西京祖二疎都門供帳羅長衢金張許史集軒蓋彈琴

鼓瑟次笙竽頰頰鶴髮映霄漢蒼松翠栢紅珊瑚道傍觀者
皆慨歎此士足為天下模先生曾蟠五車書雍容進退安且

徐披香朝侍紫宸案珥筆書入

承明廬引經論奏動

天聽

天語親授非臚句老年謝事歸里閭召見特許兒童扶

臨軒賜膳侑金幣尚食供奉黃門趨夜來微雨清郊墟紺

黃漚柳鶯相呼風吹暖烟逗白日露濕芳草留驪駒雖無旨

酒嘉穀蔬短歌一曲聊踟躇浮雲流水無根蒂人生何者為

驩虞高高少室衆美與素石如玉泉如酥特清四野樂耕稼

雉鳴麥秀千華敷親朋會合各慰意况有令子知勞劬揮金
買酒沫
聖澤怡情之外吾何須西飛鴻鴈東飛魚相思迢迢天一隅
贈言有盡意不盡努力善保千金軀

松葉酒歌寄梁安宅

道人贈我松葉酒味似瓊漿色瓊玖燕之骨爽神魂清令我壽
同金石久我生疎懶無所能瘦皮黏骨危峻憎病來啖藥猶啖
水夢寐恍惚風中燈常聞徂徠有嘉木玄醴滌濯黃露沐上
有兔絲揚翠旂下有茯苓蹲白鹿咀華嚼葉燕以津歲久定
化腸為筋便從倭佺覲黃帝身騎肉角青騏驎我欲求之百

憂集滿眼蚊蠅隨出入跋鳥箭逝織阿急日暮空瞻鄧林泣
道人此酒還有方我欲與子同徜徉世上神仙亦何限留侯
辟穀應未晚

枯樹圖

道傍古樹身半枯白蟻穴根蟲穴膚風摧雨撼霜雪凍斷石
駝碗無人扶憶昔勾芒肇初政百卉騰達隨呵噓新柯荏苒
舊柯壯霧露膏沐光如濡黃鸝翡翠語嬌滑葉扈戴勝鳴相
呼白鶴來集鹿止蔭匠石愕睨爭歎譽寧知憂患生旦夕野
火倏忽起不虞燎原烈焰難嚮邇孰問柞櫟杉與楮枝燔葉
斂根半赤朽腐晴液非特須山林搖落歲方晏聊以薜荔為

衣初鳴呼廣厦棟梁具委棄草莽同新蕩
皇天未必替生意更盼玉燭回腸烏

正月十五夜燈花大開作

燈花如管紅且綠燈花有意憐幽獨夜寒衾冷漏聲遲卧看
瓊枝綻金粟涼蟾入戶四壁空地爐宿火天無風祥煙抱日
麗碧落驪龍吐珠歌紫虹人言此花專報喜勞生短髮絲垂
耳无望之福非所希無事惱懷吾足矣呼童添油引良夜九
衢燈月光相射漫沾濁酒餉離魂豈必忘憂惟樹萱

為韓克銘題畫石鼎聯句圖

軒轅道士軒轅孫昔隨飛龍陟崑崙乘騎六氣遨乾坤上窮

混沌無涯門下挾若木扶桑根旋雷舞電訛晨昏批蹴虎豹
號帝閭挺擊河鼓牛騰騫摘虹織輝絢澤原三足老鳥不敢
暎迷離缺兔駭且奔羲和顛號訴至尊謫降下土營丘樊結
喉長頸古貌存如鶴如鵠如龍蜿詰屈不作人間言涕唾落
地生蘭蓀驅叱碣石歸河源蜚庶屏翳雙挾轡擊揆象齒愁
育貫山玄水蒼琮璫離羅瑾錯輝熒燉笙鏞琴瑟篪篥與壎
五音翕繹珠瀉盆吹為栗烈呵為暄扑扶罔象咎鼉鼉饒鱗辟
易徙厥屯束縛慘魁魑魍魂秉昇赤郭充朝殮妙用歛忽無
留痕嗟哉二子爾曷宛如井谷鮒當化鯤嚶嚶草蟲呼阜螿
欲與螻蛄語涼温不知風霆掣墻藩江騰海躍喬嶽翻鬼物

喘汗相濡歎爽靈漂搖失所躄
啟竟夢寐精魄昏低頭拜伏
驚再論陽春二月花滿園
掩關獨坐辭評誼按圖索意聊滌
煩羨君軒轅之後昆浩歌一曲期勿謏

寄贈懷渭上人

老僧懷渭字清遠曾蟠文史三千卷
雪晴太白王為峰月出藍田金作燿
少年挾策走四方要看蓬萊水清淺
燕山帝京龍象會瓊臺寶林發關鍵
橫空鵬鷲掀高秋縱轡驪騶逸長
坂麗眉老宿皆震驚觀者解頤陪者
赧奎章學士虞邵菴喈喈稱誇枯舌
本連床笑語到晨雞走筆贈言何欸
悃轉頭霜雨四十年萬事茫茫不堪
村江湖鯢浪客舟寒地爐宿火僧

房煖我來邂逅一見之憶曾相識
嗟成謖世士如公良所希方外只今
還有限我如野馬貫馱澤絡以羈鞶
知必踈老來耗毫百事違况俾三廬
宅愁眼甚欲歸依白蓮宇其柰素餐
非力墾寄言聊復寫中懷白石清泉
猶未晚

金碧山水圖

武陵桃源今有無展畫渾如夢中見
青螺作山綃作雲白日蒼茫暖芳甸
雄梁跨壑矯脩虹走瀑懸岬激飛電
紫鳳霄鳴梧樹枝青雛曉啄桃花片
鳥啼長是豔陽時草色寧隨霜雪
變衣冠尚存周典則租稅不輸秦郡
縣山中肉芝美堪食澗底石泉清可
嚙安得此地結茅屋寄書漫託雙飛
燕

雪晴偶興因以成篇

玄雲四垂天黯黹大野蒼茫飛雪糝北風刮面利如刀海氣
昏昏迷遠覽若華東光封密霧比屋無烟色悽慘天姥沈陰
禹穴閉扶胥海濤渾不撼愁埋朱鳳入杳冥凍縮赤蛟深坎
窟猿狖哀號咽巖谷鴻鴈驚啼亂葭菼吐土金戈鉉鏑凌將
軍玉帳旌旗黥師徒百萬盡熊羆幕下從官皆燕頤馬蹄蹴
蹋坤軸震夜半入蔡何人敢蒼山野客拙且懶旅舍蕭條坐
無毳頑童汲井十指直稚子敲冰兩髦髡今朝出日照梁棟
樓外遠山皆菡萏初驚急溜瀉源泉漸看縣漸掛旒統那無
美酒洗胃臆空有新詩吐肝膽先人敝廬松柏在墻角早梅

應可擘蝮蛇張鱗虎掉尾平地倏忽成穴壙藩閭官曹厚祿
食忍以黔黎為醢醢天民日望天愛憐破瓦頽垣最悲憫農
家齊仰二麥成且喜土膏滋九坎清晨樹上啼布穀柳下碧
波漪澹澹安得扁舟泛五湖莫使中心攢百感

題群龍圖

世間萬類皆可覩茫昧獨有鬼與龍此圖畫龍二十四狀貌
詭譎各不同得非物產有異種或曰神變無常蹤一龍捷尾
欲上木足爪猶在齋云中一龍出穴飲澗底頭上飛瀑瀉白
虹前有一龍已在雲頭視厥子揚雙瞳浪波魚鱗奮空籠日
車坱圠天無風中庭兩龍忽相逢須眉鬣髮如老翁便欲角

紙爭雌雄西望積石接崆峒白龍擘石窺流滾河伯遠遁虛
其宮屈蟠睡者何龍鍾老物用亢時當終峽外六龍瘳以兇
矜牙舞爪越戟攻齧鱗嚼甲含劍鋒陷胸折尾波血紅之死
弗悟誰恫一龍引吭將欲從迴環睢盱未敢通最後一龍
藏於控睥睨勝敗非愚蒙無乃有意收全功雲中弄珠勞爾
躬不如卧沙之從容龍子學飛力未充母在下視心憧憧何
物一角額準隆觶然出洞若蛇蟲有龍接之自龍從恐是輩
穴玉鮪公皮骨始蛻形猶蒙兩龍歸來倦不腫癡龍攀石身
已癘蚘蚪偃蹇欵騰衝蝨蠹攫躍鬚髮茸喙呀奔拏曲如弓
百態並作何紛麗是耶非耶孰能窮畫師昔有僧繇工能令

真龍下虛空安得伶倫截竹筒吹之呼龍出石罅使我一見
開昏曹

為丘彥良題牧谿和尚千鴈圖

往時惠崇畫蘆鴈對之如在江湖游只今此圖又精妙中有
千里瀟湘秋乃知浮屠性多巧意匠不與凡夫儔吳松江長
具區闊天目虎丘青一髮西風九月秔稻黃朔鴈飛來翼相
戛農夫苦飢鴈獨飽此意盡師應識察近者分明辨羽毛遠
者縹緲瞻秋毫或乘飄風入烟霄或翳落日沉隍濠起如武
侯布八陣集如萬舞回旌旄眠沙卧草鳴且翔喋呷藻荇亂
蓬蒿禾空穗盡却歸去紫塞漠漠春雲高我家南山限蒼嶺

鴈飛不到川路末深林大谷蛇豕盛愁向他鄉撫虛景人言
鴻鴈比弟兄我有兄弟隔兩城題詩卷畫謝客去無使感愴
傷中情

雨中寄用章上人

月盈復魄已過五不見白日長見雨美人娟娟隔巷陌會面
不得徒延佇若邪當門泉湧礎仲蔚蓬蒿塞環堵陰風向人
作秋氣芳草日夕成宿莽玄圭上天禹穴閉倉水使者今何
許玉京群仙翳煙霧弱水西流隔玄圃女夷鼓歌不自覺朱
鳳翅濕那能舉自從干戈起淮甸天下無處無豺虎徵歛頻
煩轉輸急更有何鄉為樂土翳葉餓人誰復數思家遠客空

悽楚半生身世付浮雲獨立看雲百憂聚晚來天南橫絳虹
雨勢未已愁雷公井蛙谷鮒俱得意汎濫潢潦登穹隆方外
文章誰最好後有嬾公前笑老裁詩忽漫寄中情萬事茫茫
聽蒼昊

玉澗和尚西湖圖

大江之南風景殊杭州西湖天下無浮光吐景十里外疊嶂
湧出青芙蓉百年王氣散荆棘惟有歌舞留歡娛重樓峻閣
競鉛黛媚柳嬌花使人愛老僧不善兒女情故作犷豪見真
態想其泚筆欲畫時高視畫工如小兒千巖萬壑吾意匠夸
娥巨靈吾指麾却憶往年秋雨夕畫舫衝烟度空碧蒼茫不

辨雲與山但覺微風響
蘆花須臾冷月迸深霧
時見松杉半昏黑
開尊命客彈焦桐
扣舷大咲驚海童
鮫人唱歌魚鼈應
水底影動雙高峰
只今倏忽成老翁
可憐此樂難再逢
愁來看畫欲自適
誰知感生愁轉劇

大云之顧周道山水圖

憶昔晉時顧庠頭能畫
聲名塞穹昊千載而下繼者誰君之
耳孫字周道江南山連滄海島水遠山長愁絕倒興來走筆
如有神濃抹淡粧無不好前峰倚天自太古知是天台是天
姥烟開浪波搖浦淑草滿江洲樹如羽山迴兩崖夾幽谷小
橋俯映菰蒲綠扁舟何處覓鱸魚滄浪水寒空濯足柳邊碧

石明素沙茅廬似是陶公家
衡門晝掩雞犬寂誰人共采黃
金花我屋雙溪松栢裏清泉皎潔無泥滓
鳳皇不來鷹隼逝白日鳴鴉肅桑梓
華表柱頭丁令威風塵頃洞何當歸
感時對景重回首不知人民今是非

題富好禮所畜村樂圖

我昔住在南山頭連山下帶清溪幽
山巔出泉宜種稻統屋盡是良田疇
家家種田耻商販有足懶踏縣與州
西風八月淋潦盡稻穗櫛比無蝗蝻
黃雞長大白鴨重瓦甕琥珀香新
筍芋魁如拳栗殼赤獻罷地主還相酬
東鄰西舍迭賓主老幼合坐意綢繆
山花野葉插巾帽竹筴漆椀蕪甕醪
酒酣大

咲雜語話跪拜交錯禮數稠或起頓足舞侏儒或坐拍手歌
甌篋傾盆倒榼混醯醬爛熳沾漬方未休兒童跳躍助誼諫
執遁逐走同俘囚出門不記舍前路顛倒扶掖迷去留朝陽
照羣且熟睡官府亦簡少所求寧知宴安含醜毒未耜一變
成戈矛高門大宅化灰燼蓬蒿瓦礫塞道周春燕營巢在林木
深山露宿隨猿猴三年避亂客異縣側身天地如浮漚親朋
阻隔童僕散疏食水飲不自謀有時恂恍夢閭里驚覺五內
攢百憂君家畫圖稱絕妙鑒別曾遇柯丹丘想應臨榻出秘
府筆意精到世罕儔村歌社舞自真率何用廣樂張公侯太
平氣象忽在眼令我感愴涕淚流近者鄉人來報喜今歲高
下俱有秋豺狼食飽卧窟穴軍師已運招安籌人情自古共
懷土况乃霜雨凄松楸神龜且被預且困予所弗念天我尤
積薪厝火非遠計誰能獻納陳嘉猷長江波浪接淮泗白日
慘澹騰蛟虬天下農夫總供給隴畝不得安鋤耰市中食物
貴百倍一豕之價過於牛魚鹽菜菓悉賣米官幣束閣若贅瘤
朝餐僅了愁夕膳誰復有酒澆其喉循環天運往必復邪氣
斲至不遠瘳此生此景須再覩引領帳望心悠悠

題湘湖圖

君山洞庭隔江水彭蠡無風波浪起明窓曉晴圖畫開興入
湘湖三百里湘江兩岸山縱橫湘湖碧繞越王城越王城荒

陵谷在古樹落日長煙平游子天寒孤棹遠七十二谿飛雪
滿浩歌不見濯纓人沙鶴野猿相對晚湖東雲氣通蓬萊我
欲從之歸去來蛟鼉塞川陸有虎兩臂無翼令心哀

為啓初門和尚題山水圖

天下名山隨處有畫圖流傳亦良久祇園道人展橫幅觀者
稱誇同一口蒼梧九疑高插天卷而懷之不盈手巨靈驚呼
盤古怒地軸坤地昆侖剖太陽出海開杳冥蟠冢岷峨大如
斗華軒無人清晝閑恍然置我匡廬間金輪迥出牛女上遠
近羅列千雲鬟江花野竹青錦斑嵌巖斷石蛟鼉顏岡盤谷
轉絕徑路但見湖水迴瓊環白沙洲暖春風起南船掛帆北

船艤吳波不盡芳草外楚油半入長烟裏夜深小龍行雨歸
宮亭月落彭郎磯旌陽步虛廬老和雜佩散作虹蜺飛百年
塵世真夢寐回首旌旗塞天地舊游何處成渺茫一曲狂歌
數行淚青丘弱水迷方壺武陵桃源今有無瑤臺三島消息
斷安得羽翼歸清都

題趙學士松圖

白塔

趙公拈筆作古松平地躍出三青龍蜿蜒不上霄漢去爽颯
長留烟雨濃前朝美人闌草處猶有當時數株樹江亭六月
涼如秋應與此圖相對愁

題李陵見蘇武圖

中原無書牴不乳孤裘蒙茸奈何許老身漢節死生俱地角
天涯見明主金鞍駿馬空故人相看一咲增悲辛悲來風沙
吹上馬河水東流日西下空一作吾

雪鶴篇贈詹同文

有鶴有鶴丁令威碧玉為骨玄霜衣層城十二身所依千年
伐毛一度歸洗髓織女黃姑磯瑤臺雪花大十圍食之神爽
肉不肥乘風振羽芳菲菲丹砂結頂燁有輝咳唾璀璨生珠
璣朝遊明星夕大颿騰光躡景超巍巍騰六驂乘虹蜺駢蓋
宮仙娥項帝妃鎔雲鍊雨成瓊歲眩晃晝奪扶桑輝離眸閃
爍不可睇回焱縱縱翼縞旂白虎殼棘良厥腓鸞鳥鴻鷄

鷓鴣鷺鷥鵲鷓鷯與鷓局促縮胸潛嶢崎惟有皓鶴從之飛
竦翮夜過東皇畿玲瓏琪樹戛金徽若然長鳴驚海圻海波
噴作煙霧霏馬銜罔象疇若鞿鯤鯨天矯相噓唏銀河腹堅
膠蜃豨王母桃花凍不緋五色石裂女媧謫祝融上訴開九
扉帝命養之青鎖闈賜以沆瀣憐其饑朝朝暮暮朝太微翅
翎披拂天香馥北斗粲爛星依稀翠緞抱日露未晞圓肱脩
趾逸且頤嗒嗒蹈舞霍以揮散仙引領空相希嗟哉清峻天
下稀勿歎遼東城郭非桂華宵窪甘露滋味美遠勝商山薇
擷英為羞堪咀噉比之琅玕亦庶幾盤空硬語去脂韋歌以
贈君君莫譏

贈杜安道

憶昔天兵伐荆楚，舳艫蔽江齊萬櫓。譙聲激烈似雷霆，猛氣
怱然震貔虎。按柵皖城猶俯拾，探穴九江無險阻。明年大戰
康郎下，日月垓北相吞吐。馮夷蹋浪群水飛，巨鼇掉首三山
舞。雲隨太乙擁鋒旗，鼉為豐隆作靈鼓。將軍金甲箭攢蝟，戟
士鐵衣汗流雨。火龍熺燄絳天衢，燧象逐煙煎地府。鯨鯢既
剪挽，捨落草木熙陽魚出谷。當時從臣皆俊良，近侍共推徐
與杜。或操陳子之刀鐻，或負伊公之鼎俎。艱難出入矢石下，
鞠躬盡力無摧阻。夙興夜寐事一人，小心不貳。

帝臨女，只今四海同車軌。葑菲周遺，遵往古瓊瑤赤帝。造鷓
行鞍馬，祿食光門戶。天雞一聲，金闕啓。
龍顏有喜，常先覩。顧我愚疎，憂患集病骨。峻嶒蒸溽，暑興來
懷舊倚長歌。星星兩鬢，絲千縷。

太師誠意伯劉文成公集卷之十四終

太師誠意伯劉文成公集卷之十五

後學麗水何鏗編校

五言律詩

旱天多雨意五首呈石末公

旱天多雨意雲日氣恒陰草木焦枯盡蛟龍伏匿深移家愁
地蹙經國恨年侵已矣商巖叟無人解作霖

旱天多雨意炎夏已清秋虛牝空蒸鬱高圓迥獨浮下田應
脯蚌深樹且鳴鳩向夕星河影稀疎恰近樓

旱天多雨意散漫起重陰漸變峰巒狀還摘錦繡文龍應愁
病鴨鳥亦念將焚碧落高無極人間斗不聞

旱天多雨意炎燎發洪爐事急徒號梗謀窮漫曝巫王征愆
節制民望失來蘇原籍看如赭哀今鹵掠無

旱天多雨意雲起旋隨風澤氣沉沙白山嵐過野紅乾坤愁
夢裏日月戰塵中漫說生生理如何亦有窮

次韻和石末公旱天多雨意五首

旱天多雨意雲合又還晴苦熱連三伏微涼入五更青山黃
葉遍白水紫烟生旦夕霞標起依稀對赤城

旱天多雨意霞起衆山光日月躔陽道雷霆伏大荒躍淵無
黑蜨在牧有夷羊萬室俱如燬何人尚閔旌

旱天多雨意一望百憂侵海沸羲和日山藏傳說霖南河那

可决北斗不能斟歎息還搔首清商已滿林

旱天多雨意悽惻望鈎陳哀顛何時達愁眉盡日舉乾坤三

島浪歲月兩淮塵莫問和調事嗚呼畎畝人

旱天多雨意陰電繞空湫暴客馮高壘良農死蔡丘干戈猶
未息災沴復何尤軫望成衰疾那堪數倚樓

憂懷

傷離驚歲晏引望起愁端落日烟中小孤雲雪外寒浮生無
限恨垂老異鄉看掩淚觀梅盡中心分外酸

感歎

聞說蘇州破倉皇問故人死生俱可悼吾道一何屯北去應

無路南藩自此貧
凄凉轉蓬客
淚盡浙江濱

題鑑湖送別圖

曲岸扁舟艤澄湖
祖帳開雲生秦帝碣
雨暎越王臺
荷氣清瑤席
波光灑玉盃
情深不忍別
欲去更徘徊

次韻和王文明雨中雜興四首

積雨累十日
平湖添半篙
風連箕畢動
雲傍斗牛高
水鶴巢林木
池魚上野蒿
農人愁餓葦
採擷到溪毛

白日迷陰陸
濃雲沒大荒
雨深筠簟潤
風度葛衣涼
虎豹歸林濕
魚龍赴壑長
波濤渺清落
悽惻解鳴璫

濕雲看欲溥
陰氣未全收
日月昏昏見
龜鼉頰頰浮
虛簷騰

彤蠶壞壁湧蜉蝣
幽獨無人世
含情謾上樓

青冥不可見
朱夏已無多
雲木光浮沒
川原氣盪磨
蒼蕪一將略
浩汗五湖波
去去滄浪水
君聽鼓枻歌

題太公釣渭圖

璇室群酣夜
璜溪獨釣時
浮雲看富貴
流水澹鬢眉
偶應非熊兆
尊為帝者師
軒裳如固有
千載起人思

稽句嶼

白日隱巖壑
千壑氣勢豪
溪流發女闕
山入少微高
危石天
欹側長風谷
怒號干戈方
自此行役敢辭勞

淳安舟中遇雨遣悶二首

一夜青山雨平明黃濁喧亂流翻地軸高響落雲根鍛羽投
林鳥啼飢抱樹依羈懷正愁絕感物重銷魂
溪雨細如霧北風長夏寒汗池不赴壑井谷自成淵蘭旌馨
香盡魚龍世界寬斜陽在林樹時復捲蓬看

丙戌歲將赴京師途中送徐明德歸鎮江

疲馬懷空握征衣怯路塵那堪遠遊子復送欲歸人月滿西
津夜花明北固春論文應有日話別莫悲辛

過南望時守閘不得行

客路三千里舟行二月餘壯顏隨日減衰鬢受風疎蔓草湏
句國浮雲少吳墟愁心如汶水蕩漾遠青徐

發景州

澹澹夕風作蕭蕭蘆葉鳴林間衆鳥息河上一舟行海近雲
常濕天虛月更清神京看漸近且緩望鄉情

泛海詠霧

海上苦多霧北風吹更長纔交積水氣已翳太陽光淺亂洲
渚色深迷鴻鴈行神姦馮出入君子慎周防

殺氣

殺氣乾坤黑陰氛日月黃已成心曲亂不復鬢毛蒼夜哭城
笳裏朝烟野戍傍扶傾無郭李何地尚畊桑

遣興二首

白日下西岑空庭生夕陰郊原過雨色鍾梵隔牆音有感憂
思積無能老病深露從河漢落不覺滿衣襟
月是今宵滿花從昨夜開看花嗟寂寞對月且徘徊白髮添
無數青春去不回莫思人隔世聊樂酒盈盃

四月十二日發揚州

幾見明月滿猶嗟行路難時平耻無用身賤敢偷安天地山
河闊風沙道路寒旅人元有淚不必雍門彈

濟州太白樓

小逕迂行客危樓舍酒星河分洗水碧天倚嶧山青昭代空
文藻斯人竟斷萍登臨無賀老誰與共忘形

送僧家奴叅政赴河東宣慰使

二首

雲中形勝地關塞接天長白草連沙漠黃河入晉陽老臣持
節鉞大閫壯金湯昭代思賢佐須公在廟堂

大閫諸藩上元戎朔漠間天低馬邑塞河入鴈門關落日旌
旗靜高風堡障閑旬宣推碩望喜色動龍顏

送人赴德清稅

鏡湖木葉落震澤水波生鳧鴈衝人起笙歌送客行鹽津魚
罟集蒹葭繭絲明王稅隨時足吟哦待太平

題釣雪圖

雪暗洲渚白江清蒲柳寒悠揚隻短棹汗漫一魚竿忽憶滄

浪曲因悲行路難
蛟鼉正驕恣還為爾長歎

將曉

愁夢不更續
寒天將欲明
雪風吹海樹
霜月凜江城
衰病丹心在
艱虞素髮盈
殷勤東注水
渺渺若為情

不寐

不寐月當戶
起行風滿天
山河青鬪裏
刁斗白雲邊
避世慙商綺
匡時愧魯連
徘徊懷往事
惻愴感衰年

秋感

老病偏多感
宵長晝亦長
衣冠方謝暑
枕席已驚涼
往事鑄心在
新知過眼忘
籬邊舊栽菊
歲晚為誰黃

秋興

天淨山月出水寒
沙鳥鳴孤燈
秋後思短笛
夜深情江海
空衰鬢乾坤未弭
兵清都隔河漢
訶禁有開明

晚思

返照吳山外
啼雲越水頭
寧捐白羽扇
却着黑貂裘
草暖鳧鷺渚
波香杜若洲
艱難愧生事
汗漫想扁舟

望孤山作

曉日千山赤
寒烟一島青
羈心霜下草
生慙水中萍
黃屋迷襄野
蒼梧隔洞庭
空將垂老淚
灑恨到滄溟

青絲馬

蹀躞青絲馬艱難赤伏符窮陰歲欲暮落日鬼相呼見鴈愁
心裂看天淚眼枯殷勤夜深月還照旅魂孤

十二月一日

耿耿夜不寐源源憂思來歲餘三十日腸定九千回江響風
初發天昏月未開白頭真合得非是楚猿哀

古戍

古戍連山火新城殷地笳九州猶虎豹四海未親麻天迥雲
垂草江空雪覆沙野梅燒不盡時見兩三花

客路

客路秋風裏扁舟夕照時渚鴻魚復陣江樹井陘旗衰朽嗟

誰與愚蒙荷

帝慈山中牧羊子歲莫尔相期

逢熊文彥 二首

相離已隔世相會豈忘情識面非觀貌知心只記名夕陽荒
野闊秋水大江平往事無勞問空令萬感生

憶昔相逢處湖山錦繡春筦絃喧夾巷花柳隘通津離別人
非故推移物自新愁來重回首涕淚下露巾

五言長律

錢唐懷古得吳字

澤國繁華地前朝舊此都青山彌百粵白水入三吳良嶽銷

王氣坤靈肇帝圖兩宮千里恨九子一身孤
諛險馮天塹偷安負海隅雲霞行殿起荆棘
寢園蕪幣帛敦和議弓刀抑武夫但聞當宁奏
不見立庭呼鬼蜮昭華袞忠良賜屬鏤何勞
問社稷且自作歡娛秔稻來吳會魚鼈出具區
至尊魏北闕多士樂西湖鷁首馳文舫龍鱗舞
繡襦暖波搖棹積涼月浸氍毹紫桂秋風老紅
蓮曉露濡巨螯擎擁劍香飯漉雕胡蝸角乾坤
大鰲頭氣勢殊秦庭迷指鹿周室嘆瞻烏玉馬
違京輦銅駝擲路衢含容天地廣養育羽毛俱
橘袖馳包貢塗泥賦上腴斷犀埋越棘照乘走
隋珠吊古江山在懷今歲月逾鯨鯢空渤澥歌
詠已唐虞鷗革愁何極羊裘釣不迂征鴻暮

南去回首憶華纒

太師誠意伯劉文成公集卷之十五終

大清高宗純皇帝實錄卷八十五

卷八十五



